


# קריאה לתעניי עבד

וַיַּחַל מֹשֶׁה אֶת־פְּנֵי יְהוָה אֱלֹהֵיוֹ וַיֹּאמֶר לְמַה יְהוָה יֵחַרָה אַפִּי בְּעַמִּי  
אֲשֶׁר הוֹצֵאתָ מֵאֶרֶץ מִצְרַיִם בְּכַח גְּדוֹל וּבְיַד חֲזָקָה: לְמַה יֹּאמְרוּ מִצְרַיִם  
לְאמֹר בְּרָעָה הוֹצֵאתָ אֶת־אֲנִי לְהַרְגֵנוּ לְמַה יֵּעָלֶי פְּנֵי הָאֱדוֹמִים

# קריאה בתורה לתענית צבור

שוב מחרון אפך והנחם על-הרעה לעמך: זכר לאברהם ליצחק ולישראל עבדיך אשר נשבעת להם בך ותדבר אלהם ארבה את-זרעכם ככוכבי השמים וכל-הארץ הזאת אשר אמרתי אתן לזרעכם ונחלו לעלם: וינחם יהוה על-הרעה אשר דבר לעשות לעמו: לוי ויאמר יהוה אל-משה פסל-לך שני-לחת אבנים כראשנים וכתבתי על-הלחת את-הדברים אשר היו על-הלחת הראשנים אשר שברת: והיה נכון לבקר ועלית בבקר אל-הר סיני ונצבת לי שם על-ראש ההר: ואיש לא-יעלה עמך וגם-איש אל-ירא בכל-ההר גם-הצאן והבקר אל-ירעו אל-מול ההר ההוא: ישראל ויפסל שני-לחת אבנים כראשנים וישכם משה בבקר ויעל אל-הר סיני כאשר צוה יהוה אתו ויקח בידו שני לחת אבנים: וירד יהוה בענן ויתיצב עמו שם ויקרא בשם יפסיק מעט יהוה: ויעבר יהוה | על-פניו ויקרא יהוה | יהוה אל רחום ותנון ארך אפים ורב-חסד ואמת: נצר חסד לאלפים נשא עון ופשע וחטאה ונקה לא ינקה פקד | עון אבות על-בנים ועל-בני בנים על-שלשים ועל-רבעים: וימהר משה ויקד ארצה וישתחו: ויאמר אם-נא מצאתי חן בעיניך אדני ילך-נא אדני בקרבנו כי עם-קשה-ערוף הוא וסלחת לעוננו ולחטאתנו ונחלתנו: ויאמר הנה אנכי כרת ברית נגד כל-עמך אעשה נפלאות אשר לא-נבראו בכל-הארץ ובכל-הגוים וראה כל-העם אשר-אתה בקרבך את-מעשה יהוה כי-נורא הוא אשר אני עשה עמך:



http://www.pray.co.il